

Derma darah bantu golongan memerlukan.

SEREMBAN – Bagi mengisi kekurangan tabung darah Hospital Daerah Tampin, Klana Resort Seremban menganjurkan kempen derma darah dengan kerjasama Lion Club dan Hospital Salam, semalam.

Program yang bermula seawal jam 9 pagi itu, berjaya mengutip lebih 50 pain darah yang diadakan di sekitar dewan Meranti, Klana Resort Seremban.

Menurut Pengurus Besar Klana Resort Seremban, Mohd Yazid Mustafa, pihaknya komited dalam menganjurkan aktiviti amal dan kebajikan seperti ini, lebih-lebih lagi yang melibatkan nyawa.

Beliau berkata, darah sangat penting bagi membantu seseorang yang memerlukan untuk meneruskan kelangsungan hidup.



Antara penderma yang menderma darah dalam kempen derma darah anjuran Klana Resort dengan kerjasama Lion Club dan Hospital Salam, semalam.

“Menderma darah merupakan kegiatan yang sihat dan ia boleh membantu mengurangkan sekurang-kurangnya 500 kalori bagi setiap penderma.

“Selain dapat membantu mereka yang memerlukan, melalui derma darah ini juga

dapat memupuk semangat kerjasama antara satu sama lain,” katanya.

Katanya, penderma terdiri daripada kakitangan Klana Resort Seremban, tetamu yang menginap di hotel, serta orang luar.